



“Izgradnja mira počinje lokalno – Glasovi žena su važni”.

Smjernice za apliciranje na grantove

IMPLEMENTIRAJU:



Sadržaj

1.Uvod	3
1.1. O Projektu	3
2. Ciljevi smjernica	4
3.Ciljevi poziva	4
4. Ko se može prijaviti	5
5. Vrste aktivnosti koje mogu biti podržane	5
6. Dostupna budžetska sredstva i visina idividualnog granta	7
7. Budžetske smjernice	7
8.Vremenske odrednice.....	8
9. Proces evaluacije.....	8
10. Aplikacioni paket	9
11.Podrška u procesu prijave.....	10
12. Gdje i kako podnijeti zahtjev	10

1. Uvod

1.1 O projektu

Projekat „*Izgradnja mira počinje lokalno – Glasovi žena su važni!*“ osmišljen je da odgovori na neke od ključnih izazova u sprovođenju *Agende Žene, mir i sigurnost* u BiH, kako je mapirano domaćim istraživanjima i izveštajima međunarodnih tijela za praćenje, a na osnovu nivoa sprovođenja međunarodnih standarda za zaštitu ljudskih prava žena u zemlji.

Nizak nivo političkog učešća žena, posebno na pozicijama donošenja odluka na lokalnom nivou, marginalizacija ženskih pitanja, slabi mehanizmi za kontrolu sprovođenja politika, nedostatak političke volje, stalne političke tenzije, kao i patrijarhalne norme i stereotipi, predstavljaju ozbiljne prepreke u sprovođenju politika rodne ravnopravnosti, uključujući i one koje se odnose na Agendu za žene, mir i sigurnost. U tom smislu, svi izvještaji pozivaju na potrebu jačanja lokalnih kapaciteta za sprovođenje politika rodne ravnopravnosti, transformaciju sukoba i povećanje sigurnosti žena.

Analize ukazuju na potrebu za povećanim učešćem organizacija civilnog društva u kreiranju politika u lokalnim zajednicama. Prethodna iskustva pokazuju pozitivne rezultate i poboljšanu zaštitu žena u lokalnim zajednicama gdje su žene i ženske organizacije aktivne i mobilne, jer su uspješne u integrisanju koncepta ženske/ljudske sigurnosti i rodne ravnopravnosti u lokalne politike. Ženske organizacije i liderstvo su ključni za transformaciju zajednica u društvima, gdje postoji dijalog o miru i sigurnosti, a politike održivog razvoja dobijaju bržu podršku lokalnih političkih snaga.

Neravnopravnost polova, marginalizacija agende rodne ravnopravnosti, kontinuirane etničke tenzije i smanjenje međunarodnih fondova suzili su prostor i ozbiljno ugrozili rad ženskih organizacija u BiH. Mnoge ženske grupe su prestale sa radom, a veliki broj njih je smanjio obim svojih aktivnosti, jer nemaju kapacitete za pristup većim fondovima ili izvorima finansiranja. Period digitalizacije i uvođenja novih tehnologija odvijao se prebrzo i mnoge ženske organizacije nisu imale podršku za izgradnju svojih kapaciteta za korišćenje novih tehnologija i komunikacionih kanala za svoj rad, što bi djelimično premostilo problem nedovoljnog finansiranja i omogućilo povezivanje i umrežavanje. U promjenljivom okruženju i sa značajnim negativnim reakcijama na rodnu ravnopravnost, lokalne organizacije građana teže da se uključuju u kreiranje lokalnih politika stvaranjem funkcionalnih partnerstava sa lokalnim vlastima, privatnim sektorom, kao i drugim nevladinim organizacijama. Ove organizacije se često suočavaju sa ograničenim mogućnostima za izgradnju kapaciteta, sa malo prilagođenih programa obuke koji se bave njihovim specifičnim potrebama u izgradnji mira i ljudskoj sigurnosti. Pored toga, nedovoljna finansijska i tehnička sredstva ih sprečavaju da u potpunosti sprovode i održavaju svoje inicijative.

U okviru projekta *“Mir počinje lokalno – Glasovi žena su važni”* planirana su sredstva u iznosu od 150.000 BAM koja će se putem javnog poziva dodijeliti ženskim organizacijama za akcije kojima se jača žensko liderstvo, doprinosi sigurnosti žena, njihovom povezivanju i zajedničkom djelovanju. Biće podržani projekti koji će se realizovati na području jedne i/ili više lokalnih zajednica navedenih u javnom pozivu i u fokusu akcije imaju realne sigurnosne izazove žena ciljanih lokalnih zajednica.

Cilj dodjele grantova je jačanje kapaciteta i uticaja lokalnih ženskih organizacija u odabranim zajednicama za lokalizaciju Agende Žene, mir, sigurnost i izgradnju rodno inkluzivnog i demokratskog ambijenta koji će uvažavati principe rodne jednakosti u svojim politikama, u budućnosti i danas.

Ovaj projekat i grant šema koja je njime otvorena za prijavu projektnih akcija ima za cilj i jačanje ženskog liderstva i nivoa uticaja žena graditeljki mira, aktivistkinja za ljudska prava i ženskih organizacija, kako bi bile u stanju da identifikuju i reaguju na povećani nivo nasilja, tenzija i podjela koje utiču na sigurnost na lokalnom nivou.

2. Cilj Smjernica

Cilj Smjernica je davanje jasnog uputstva kako ispravno popuniti i dostaviti aplikaciju u okviru javnog poziva za dodjelu grantova u okviru ovog projekta.

Drugi cilj Smjernica je da se osigura transparentnost u procesu dodjele podgrantova, uspostave jasni kriterijumi za izbor korisnika podgrantova, uskladi proces sa strategijama i vrijednostima Fondacije i uslovima ugovora sa donatorom PA006748BIH.

Smjernicama se želi smanjiti rizik od sukoba interesa, neregularnosti i zloupotreba u procesu odabira primalaca grantova i već tokom apliciranja osigurati preduslove za efikasno praćenje, evaluaciju i izvještavanje o utrošku sredstava od strane budućih partnera.

3. Ciljevi poziva za dodjelu grantova

Cilj poziva je uspostavljanje lokalnih multisektorskih partnerstava ženskih organizacija i uspješno sprovođenje inicijativa vezanih za izgradnju mira i poboljšanje sigurnosti žena u ciljanim lokalnim zajednicama.

Kako bi se ovo ostvarilo neophodno je da:

- Žene liderke i aktivistkinje ženskih organizacija civilnog društva realizuju najmanje 5 (pet) akcija za unapređenje sigurnosti žena u odabranim lokalnim zajednicama.
- Najmanje 500 predstavnika zainteresovanih strana iz različitih sektora, uključujući vlade, službe bezbjednosti i privatni sektor, bude angažovano je u akcijama koje su pokrenule žene.

- Najmanje 25 žena iz lokalnih organizacija civilnog društva bude angažovano u planiranju i sprovođenju lokalnih aktivnosti.

4. Ko se može prijaviti?

Proces dodjele grantova će biti otvoren i konkurentan, što znači da će svim kvalifikovanim akterima biti omogućeno da se prijave za finansijska sredstva pod istim uslovima. **Prijedlozi sa partnerstvom nekoliko OCD po jednom projektu granta se ohrabruju.**

Ključni uslov za odabir aplikacija koje će ući u ocjenjivanje je da aktivnosti planirane u prijedlogu projekta budu realizovane u jednoj ili više navedenih lokalnih zajednica:

- Bileća, Gacko, Nevesinje
- Trebinje
- Foča, Novo Goražde
- Bihać
- Cazin
- Velika Kladuša
- Gračanica
- Zavidovići
- Zapadnohercegovački kanton
- Mostar
- Stolac
- Višegrad, Rogatica
- Srebrenica
- Prijedor
- Kneževo, Kotor Varoš

Ohrabruje se povezivanje i partnerstvo, te će i projekti koje realizuje više organizacija i u kojem su aktivnosti usmjerene na povezivanje zajednica, biti dodatno vrednovani.

5. Vrste aktivnosti koje mogu biti podržane

Predloženi projekti trebaju doprinositi implementaciji Agende Žene, mir i sigurnost na lokalnom nivou kroz aktivnosti koje jačaju učešće žena u procesima donošenja odluka, prevenciju nasilja, jačanje sistema zaštite i osnaživanje žena u zajednici.

I Učešće žena u izgradnji mira i lokalnim procesima odlučivanja

Aktivnosti koje doprinose jačanju uloga žena kao akterki mira, unapređenju sigurnosti zajednice i većem učešću žena u lokalnim procesima donošenja odluka.

Podržane aktivnosti mogu uključivati:

- inicijative za prevenciju konflikata i izgradnju mira kroz uključivanje žena;

- programe koji uključuju žene u mirovne dijaloge i prevazilaženje nacionalnih podjela na lokalnom nivou;
- lokalne inicijative za unapređenje sigurnosti u javnom prostoru (npr. osvjtljenje javnih površina, saobraćajna signalizacija i drugi infrastrukturni aspekti sigurnosti);
- inicijative za veće učešće žena u mjesnim zajednicama, savjetima i drugim lokalnim tijelima;
- uključivanje žena u kreiranje i praćenje lokalnih politika i strategija sigurnosti.

II Prevencija nasilja i jačanje sigurnosti u zajednici

Aktivnosti usmjerene na prevenciju rodno zasnovanog nasilja, jačanje sigurnosti žena i poduzanje svijesti zajednice o pravima žena i dostupnim mehanizmima zaštite.

Podržane aktivnosti mogu uključivati:

- edukativne programe o rodno zasnovanom nasilju, uznemiravanju, mobingu i nasilju u porodici;
- radionice sa djecom, mladima i roditeljima o rodnim ulogama, nenasilnoj komunikaciji, vršnjačkom i digitalnom nasilju;
- programe zaštite djevojaka i žena u digitalnom prostoru;
- kampanje informisanja žena o njihovim pravima i procedurama prijavljivanja nasilja.

III Jačanje lokalnih mehanizama zaštite i institucionalne saradnje

Aktivnosti koje doprinose jačanju lokalnih sistema podrške ženama i unapređuju koordinaciju između organizacija civilnog društva i institucija u odgovoru na sigurnosne izazove žena.

Podržane aktivnosti mogu uključivati:

- osnivanje ili unapređenje lokalnih servisa podrške za žene (pravna, psihološka i socijalna pomoć);
- psihosocijalnu podršku ženama koje žive u uslovima nasilja, dugotrajnog stresa i nesigurnosti;
- mobilna savjetovališta za žene u ruralnim sredinama;
- aktivnosti jačanja saradnje između ženskih organizacija, policije, centara za socijalni rad, zdravstvenih ustanova i lokalne uprave;
- javne forume i dijalog između građana i institucija o sigurnosnim izazovima i institucionalnom odgovoru na nasilje.

IV Osnaživanje žena i jačanje društvene otpornosti zajednica

Aktivnosti koje doprinose jačanju pozicije žena, njihovom međusobnoj podršci i većem učešću u društvenom i ekonomskom životu zajednice.

Podržane aktivnosti mogu uključivati:

- programe izgradnje solidarnosti, međusobne podrške i umrežavanja žena;
- aktivnosti koje podstiču razmjenu iskustava i aktivizam žena u zajednici;
- programe ekonomskog osnaživanja žena, uključujući obuke za zapošljavanje, samozapošljavanje i finansijsku pismenost;
- zagovaranje za institucionalnu podršku ženskim ekonomskim inicijativama.

Predloženi projekti mogu da uključuju jednu ili više predloženih tematskih oblasti i da adresiraju druge teme koje su relevantne za jednu ili više ciljanih lokalnih zajednica, a doprinose provođenju Agende Žene, mir, sigurnost.

6. Dostupna budžetska sredstva i visina individualnog granta

Vrijednost granta ne može da bude manja od 10.000 ni veća 30.000 BAM. Biće podržano najmanje 5 (pet) grantova na način da projektne aktivnosti svih podržanih projekata pokrivaju područje svih izabranih lokalnih zajednica.

7. Budžetske smjernice

Vrijednost projektnih prijedloga koji će biti dodijeljeni u okviru ovog poziva **mora biti** između sljedećeg minimalnog i maksimalnog iznosa:

- minimalan iznos: 10.000 BAM
- maksimalan iznos: 30.000 BAM

Projekat mora biti okončan u roku do 5 (pet) mjeseci od dodjele grant sredstava.

Grantom koji se dodjeljuje u okviru ovog poziva mogu se finansirati administrativni troškovi (kancelarijski materijal, voda, struja, grijanje, internet i sl) i troškovi osoblja u maksimalnom iznosu od 30% od zahtjevanog iznosa, ostatak od 70% finansijskih sredstava treba biti predviđen za programske aktivnosti projekta.

Budžet projektnog prijedloga mora odgovarati namjeni i ciljevima granta.

Projekat ne smije sadržavati neprihvatljive troškove u koje spadaju:

- Dugovanja i rezerve za gubitke ili dugovanja;
- Dugovanja po kamati;
- Stavke već finansirane u sklopu nekog drugog projekta;
- Troškovi leasinga;
- Porezi i carinski troškovi;
- Kupovina korištene opreme;
- Troškovi jamstava i slični izdaci;
- Kreditiranje trećih osoba i sl;

Prihvatljivi troškovi

- Troškovi plate projektnog osoblja u realnom procentu angažmana;
- Troškovi kancelarije proporcionalno procentu angažmana projektnog osoblja;
- Troškovi nabavke i promo materijala;
- Putovanja i smještaj: putni troškovi i dnevnice koji su vezani za realizaciju granta;
- Troškovi režije (struja, grijanje, telefon, zakup prostora, itd.);
- Usluge/servisi (ugovor o djelu/autorski za trenera/e, stručnjaka_kinju za izradu politika i dr);
- Ostali troškovi (bilo koji drugi troškovi koji nisu obuhvaćeni kategorijama navedenim iznad, a koji su neophodni za ostvarenje cilja kao što je promocija u medijima i sl.).

Prijave koje ne ispunjavaju osnovne kriterije će biti odbijene.

8. Vremenske odredice

Rok za dostavljanje prijedloga projekta je 20 dana od dana objavljivanja javnog poziva. Realizacija projekta trajće **pet mjeseci od dana potpisivanja ugovora**, a svi projekti moraju biti realizovani do kraja septembra 2026. godine.

9. Proces evaluacije projektnih prijedloga

Proces evaluacije podrazumijeva proces odabira potpunih aplikacija za grantove. Potpuni prijedlozi će biti ispitani na osnovu njihove administrativne kompletiranosti i ispunjenosti uslova, a njihov kvalitet biće procijenjeni i bodovani u odnosu na sljedeće kriterijume:

- Usklađenost sa javnim pozivom
- Partnerstva
- Kapacitet podnosioca projekta i partnera
- Relevantnost
- Izvodljivost
- Održivost
- Budžet

Prema *Politikama i procedure dodjeljivanja podgrantova* Fondacije "Lara", evaluaciju prijava vrši komisija koju imenuje menadžment Fondacije. Komisija broji najmanje tri (3) člana i dužna je voditi zapisnik o svom radu. Pored imenovane komisije, procjenu pristiglih projektnih prijedloga vršiće i predstavnici donatora.

Evaluacija se odvija u tri faze:

- Administrativna provjera ispunjenosti uslova (Napomena: Aplikacije podnesene nakon definisanog roka automatski se isključuju iz procesa evaluacije; aplikacije koje ne sadrže sve potrebne dokumente koji čine sastavni dio aplikacionog paketa moguće je dopuniti u naknadno ostavljenom roku – konkretizovati uslove u svakom pojedinačnom slučaju);
- Tehnička ocjena prema unaprijed definisanim kriterijumima (relevantnost, izvodljivost, održivost, budžet, kapacitet);
- Donošenje odluke i obavješćavanje aplikanata.

Ocjenjivanje se vrši na osnovu bodovne skale. Po potrebi se može organizovati intervju ili dodatno pojašnjenje prijedloga.

Kriteriji evaluacije podijeljeni su na sekcije i podsekcije. Svaka podsekcija se obavezno ocjenjuje ocjenama između 1 i 5 na sljedeći način: 1 = veoma loše; 2 = loše; 3 = odgovarajuće; 4 = dobro; 5 = veoma dobro. Svaki član komisije potpisuje svoju individualnu evaluacionu tabelu, a svi članovi zajedno potpisuju zbirnu evaluacionu tabelu za svaki projektni prijedlog.

Rangiranje projektnih prijedloga vrši se na način da je prvoplasirani projektni prijedlog onaj koji ima najveći zbir bodova, zatim slijedi projekat s prvim sljedećim nižim zbirom bodova i tako do najnižeg zbira osvojenih bodova.

Tabela za evaluaciju projektnog prijedloga sadrži: opis projekta (25 bodova), metodološki pristup (40 bodova), vremenski okvir (5 bodova), održivost projekta (15 bodova), budžet (15 bodova) – ukupno 100 bodova.

Projektni prijedlozi se biraju za grant podršku u skladu s rang listom i dostupnim sredstvima za finansiranje.

10. Aplikacioni paket

Aplikacioni/prijavni paket sadrži:

- Prijavni formular (obrazac projektne aplikacije, budžet, matrica logičkog okvira);
- Izjavu o nepostojanju sukoba interesa;
- Izjavu o partnerstvu;
- Izjavu o istinitosti podataka;
- Dokaz o registraciji (Statut, JIB, Izvod iz sudskog registra),
- Posljednji finansijski izvještaj (bilans stanja i bilans uspjeha).

11. Podrška u procesu prijave

Pitanja i odgovori

Podnosioci prijedloga projekta mogu tražiti dodatne informacije o Pozivu za podnošenje aplikacije za dodjelu grantova svakim radnim danom, pisanim putem, do 6. aprila 2026. godine, slanjem upita na e-mail fondacija.lara@gmail.com.

Aplikacioni obrasci, informativni materijal, uključujući i prezentaciju o postupku ispunjavanja aplikacionih formulara, biće dostupni na www.fondacijalara.org

Online info sesija biće održana u ponedjeljak, 30. marta u 12:00 časova. Link za online sesiju:

<https://us06web.zoom.us/j/83506216490?pwd=bvksPOaNbymIvw7WqHxaVYSR53x1U1.1>

12. Gdje i kako podnijeti zahtjev

Prijedloge projekata možete:

- poslati poštom, na adresu Fondacije “Lara”, Beogradska 38, 76300 Bijeljina, ili
- e-mailom na adresu: fondacija.lara@gmail.com

sa naznakom „Aplikacija na Poziv za grantove“

Rok za predaju prijedloga projekta je 12. april 2026. godine do 23:59h.